

People plus

ESKI RAMKALAWAN IN TRAI SON BANN DIMOUN ?

Wavel Ramkalawan i anvoy detrwa son bann dimoun fer lenbesilite pandan ki i asize Arpan Ver e problabeman riy zot. Lekel ki pou krwar ki Ramkalawan pa ti konnen ki Linyon Sanzman ti'n fini anrezistre? Pa ni bezwen ekspert pour reponn sa kestyon. Pov Fonseka ti ganny en sok e dir "lala zafer."

Tipikman Ramkalawan pour les lezot pas devan e ganny pran pour lenbesil. Li i pe rod en sel keksoz, ki i partisip dan eleksyon Lasanble anba parasol SNP e ganny posibilite antre dan Lasanble koman Lider Lopozişyon. I pe mazin son pos e pa pos personn. Larestan lager antre zot.

Annatandan, bann ansyen aktivis SNP e detrwa aktivis lezot parti dan dernyen eleksyon in groupe e anrezistre anba Linyon Sanzman. Zansla in perdi pasyans ek Ramkalawan ki'n tarde anrezistre Linyon Sanzman, e parey solda, bannla in pas avan e antre dan sa lakok.

Lopozişyon i dan en dezord,

kot sakenn pe rod lanbeli pour antre dan Lasanble pour kolekte en gro saler. Zot pe lager antre zot. Zot pe kas anba kanmarad. Zot pe montre lepep Seselwa ki i annan en sel parti politik ki serye e senser, ki reste lo en sel semen trase depi 1964 e sa se Parti Lepep.

Antretan ki dan lopozişyon zot tiraye e kas kwiyer, Parti Lepep pe fer en travay serye pour met kandida ki'n pare pour travay pour byennet lepep, kandida ki'n pare pour konnekte ek lepep, e kandida ki'n pare pour met lentere lepep avan zot prop lentere, pourki zot seryezman al travay dan Lasanble e dan distrik.

Akoz in
tarde
anrezistre
Linyon
Sanzman

POU NAPA DE LINYON SANZMAN

Depi zedi swar dimoun ki lo Facebook in konnen ki Roger Mancienne ek son tim in al kanmi letan zot in al tou pour anrezistre Linyon Sanzman. I paret ki Ramkalawan ti'n run out of nide lo lafason pour protez son lentere e lentere SNP ki'n fer li tarde anrezistre Linyon Sanzman e les

en lot group pas avan li. Antouka in byen zwe son rol, sanmenm sa i pa'n al limenm in les Roger Mancienne ek Fonseka al fer grimas devan Hendricks Gappy.

Evidaman sa ki'n ariv avan ki annan plis sans gannyen. Pou napa de Linyon Sanzman. E inital Ramkalawan

i zwe son kart prefere pour anmenn case ankour pour dir ki non Linyon Sanzman in ganny vole. De toutfason nou asire ki laplipar dimoun ki'n anrezistre Linyon Sanzman avan Roger Mancienne i bezwen bann dimoun ki dan lopoziyon. Sa en teat !

LOPOZISYON PE FER ELEKSYON VIN EN FARS

Politisyen dan lopoziyon pe pran kanmarad koman malere boufon. Zot krwar aköz serten politisyen in ganny detrwa vot dan eleksyon Desanm, alor i normal pour zot kontinyen pran eleksyon koman en fars, e fer bann voter Seselwa pas pour lenbesil dan zot demagozi zis pour zot ganny en sans antre dan Lasanble pour vin ganny larzan lo ledo gouvernman.

Lepep Seselwa i bezwen politisyen ki serye pour reprezant li dan Lasanble. I oule dimoun serye ki pas devan son lakour e nonpa en bann dimoun ki pou zis vin fer fo promes.

Prezidan Michel pe fer sir ki dan Parti Lepep, politisyen pe vin travay pour lepep. Napa sa zafer vin bat latet pour ganny eleksyon. Parti Lepep pe fer sir ki nou bann kandida i komet zot lekor lo zot devwar e

responsabilite, e si zot pa delivre pou annan konsekans. Me lekel ki pou fer sir kandida lopoziyon pou travay pour lepep ? Ramkalawan ? Pli gran bater latet. I pe vin pour son pos. I pa zanmen pran traka personn. Roger Mancienne ? Sa boug i koz ek kisennla ? Laplipar dimoun ki konn li i dir i pa ni dir bonzour dimoun.

Lopoziyon i krwar ki zot in ganny len nouvo palto pour anbank ladan! Zot pe servi sa zafer zis 18% zenn ki annan en bon standar lavi pour fer politik bonmarse. Sepa si zot konnen ki zot pe koz lo la. Kwa ki gouvernman pa pe fer ase pour

zenn? Zenn i ganny ledikasyon gratwit ziska nivo liniversiter. Zenn pe ganny tou teknolozi a zot laporte. Zenn in ganny pli gro batiman pour rekreasyon ki osi permet zot dekouver zot talan e avans pli devan. Sports i fer zenn voyaze dan diferan

pei. I annan en kantite ankour benefis ki zenn i gannyen. Par kont nwa dir lopoziyon aret donn zenn drog ek larzan pour aste drog, koumsa sa bann zenn a trouv loportinite ki sa gouvernman i donn zot.